

**Vuodđodorvolávdegoddi****Áigi** 27.01.2020 dmu 16:00**Báiki** Váldostivrasále**Gieđahallanvuloš áššit**

<b>Ášši</b>	<b>Bajilčála</b>	<b>Siidu</b>
1	Lágalašvuohta ja mearridanváldi	3
2	Beavdegirjji dárkkisteaddjiid válljen	4
3	Bargoortnega dohkkeheapmi	5
4	Ekonomiijageahčastat	6
5	Dili geahčadeapmi	7
6	Lagašdikšára doaimma vuodđudeapmi, ruoktobálvalus	8
7	Lagašdikšára doaimmaid (guokte) vuodđudeapmi, beavttálmahtton bálvalusássanovttadat	10
8	Buohccedikšára doaimma vuodđudeapmi, searjgaossodat	11
9	Divššodanbargi doaimma vuodđudeapmi, Gáregasnjárgga guovlu	13
10	Čuovvovaš čoahkkima áigemearri	15
11	Áššit diehtun	16

Beavdegirjji dollojuvvo almmolaččat oaidninláhkai 03.02.2020

Dát čoahkkinbovdehus lea almmustahtton almmolaš gulahusaid almmuhantávvalis 20.1.2020.

Markku Halonen  
ságadoalli

## Oassálastit

			Lassedieđut
Báikkis	Namma Halonen Markku Parkkonen Anne Laiti Jouni Pieski Maarit Kirsti Snellman Aino Aikio Uula-Petteri Länsman Auli Härkönen Esko Lukkari Nils Eric Mellanen Marjut Länsman Inga Pieski Aura Aikio Ara Nieminen Satu-Marjut Tapiola Ilmari Nordberg Aulis  Tieva-Niittyvuopio Vuokko	Bargu Ságadoalli Várreságadoalli Lahttu Lahttu Lahttu Lahttu Lahttu Várrelahttu Várrelahttu Várrelahttu Várrelahttu Várrelahttu Várrelahttu Várrelahttu gielddaráđđehusa sd gielddaráđđehusa ovddasteaddji Gielddahoavda	
Eará	Kontio Päivi  Lehmonen Raija Aikio Maria Sofia Miettunen Nanna Jylhä Taina Eriksen Heidi Vierimaa Taina	Áššemeannudeaddji, dikšunbarggu hoavda Beavdegirjedoalli Dulka Vuodđodorvohoavda Rabasbálvalusa jođiheaddji Vástideaddji doavttir Vástideaddji bátnedoavttir	

---

1

Lágalašvuohta ja mearridanváldi

Vudolg

**Evttohus:**

Gávnnaht ahte čoahkkin lea lágalaččat čoahkkái bovdejuvvon ja mearridanválddáš.

**Mearrádus:**

2

Beavdegirjji dárkkisteaddjiid válljen

Vudolg

**Evttohus:**

Válljejuvvojit guokte beavdegirjedárkkisteaddji, geat doaibmaba dárbbu mielde maddái jienaidrehkenastin.

**Mearrádus:**

Vuodđodorvolávdegoddi

27.01.2020

---

3

Bargoortnega dohkkeheapmi

Vudolg

**Evttohus:**

Vuodđodorvolávdegoddi dohkkeha evttohuslisttu čoahkkima bargoortnegin.

**Mearrádus:**

x

---

Vuodđodorvolávdegoddi

27.01.2020

---

4

Ekonomiijageahčastat

83/02.02.01/2011

Vudolg

Lassemateriálan sosiála- ja dearvvasvuodadoaimma bušeahta ollašumit áig. 1.1.- 31.12.2019, baji 12/19 rehketoallu lea gaskandaga.

Dikšunbarggu hoavda ovdanbuktá sosiála- ja dearvvasvuodadoaimma bušeahta ollašumiid, mat leat lassemateriálan.

**Evttohus:**

Vuodđodorvolávdegoddi merke diehtun sosiála- ja dearvvasvuodadoaimma bušeahta ollašumiid áig. 1.1.- 31.12.2019.

**Mearrádus:**

---

Vuodđodorvolávdegoddi

27.01.2020

---

5

Dili geahčadeapmi

54/00/2019

Vudolg

Dikšunbarggu hoavda ja vuodđodorvohoavda muitala sosiála- ja dearvasvuodadoaimma áigeguovdilis áššiid birra.

**Evttohus:**

Merkejuvvo diehtun.

**Mearrádus:**

---

Vuodđodorvolávdegoddi

27.01.2020

---

6

Lagašdikšára doaimma vuodđudeapmi, ruoktobálvalus

76/01.01.00/2017

Vudolg

Ruoktobálvalusa bargovehkii dárbbášuvvo okta mearreáigásaš lagašdivššár Gáregasnjárgga ruoktobálvalusa doaimmaguvlui lassánan bálvalusdárbbu geažil ja bálvalusaid fitnašuvvama dorvvasteami dihte maiddá vahkkoloahpaid. Bušehtii 2020 lea várrejuvvon mearreruhta ovttá ođđa lagašdikšára bálkáheapmái ja váldostivra lea dohkkehan bušehta.

Vuodđuduvvo mearreáigásaš lagašdikšára doaimma áigodahkii 1.1.-31.12.2020. Mearreáigásašvuodá vuodđu: Gáregasnjárgii leat plánemin sierrahápmásaš ássanbálvalusa sierra áššehasjoavkkuide, jos ášši ovdána ja ássanbálvalus ollašuvvá, de guorahallo ruoktobálvalusa lagašdikšáriid meari dárbu ođđasit.

Ruoktobálvalusa lagašdikšára barggut leat eanaš boarrásiid vuodđodikšun sihke doaimmanávcca ja eallinhálddašeami bisuheapmi. Bargan dáhpáhuvá vuosttažettiin Gáregasnjárgga doaimmaguovllus. Bargu lea guovttevuorubargu. ležas biila ja vuodjenkoarta leat vealtameahtumat. Ovttagas lea anus Efficá pasientadiehtovuogádat.

Lagašdivššáris gáibiduvvo dohkálašvuolta (bargui heivvolaš sosiála- ja dearvvasvuodasuorggi vuodđodutkkus, lagašdivššár dahje eará vástideaddji dutkkus) sosiálafuolahusa ámmátlaš bargoveaga gelbbolašvuodaeavttuid birra addon lága (272/2005) 8 §:a mielde. Sámegeala máhttu gehččojuvvo erenomáš ánsun.

Bálká- ja bargoeavttut mearrašuvvet GVBES:a mielde, barggu miel meroštallon bálká 2191,01€/mb. Ohcejoga gielda máksá sámegeala máhtus giellalasi bargiidasas: njálmmálaš máhtus 100 €/mb ja čálalaš ja njálmmálaš máhtus 150 €/mb. Doaimmas lea njealji mánotbaji geahččalanáigi. Doimii válljejuvvon galgá ovdanbuktit dohkkehahtti doaktárduođastusa dearvvasvuodadilistis. Dasa lassin válljejuvvon olbmós berre leat fámus boahkohansuodji njoammudávdalága (1227/2016) 48§:a mielde.

Válmmaštalli: rabasbálvalusa jođiheaddji Taina Jylhä

Válmmaštalli evttohus: Vuodđodorvolávdegoddi vuodđuda mearreáigásaš lagašdikšára doaimma ruoktobálvalussii Gáregasnjárgga doaimmaguvlui áigodahkii 1.1.-31.12.2020. Doaimma vuodđudeami maŋŋá ohccojuvvo deavdinlohpi gielddahoavddas.

**Evttohus:**

---



Vuodđodorvolávdegoddi dohkkeha válmmaštalli evttohusa.

**Mearrádus:**

Vuođđodorvolávdegoddi

27.01.2020

---

7

Lagašdikšára doaimmaid (guokte) vuođđudeapmi, beavttálmahtton bálvalusássanovttadat

76/01.01.00/2017

Vudolg

Beavttálmahtton bálvalusássanovttadahkii Dorvui dárbbášuvvojit guokte lagašdikšára doaimma, dasgo ássanbálvalusain ássiid doaibmanákca lea hedjonan ja buori divššu sihke ássi- ja bargodorvvolašvuođa geažil bargovuoŋuin galget leat álo guokte bargi. Bušehtii 2020 leat várrejuvvon mearreruđat guovtti ođđa lagašdikšára bálkáheapmái ja váldostivra lea dohkkehan bušeahta.

Vuođđuduvvojit guokte lagašdikšára doaimma beavttálmahtton bálvalusássanovttadat Dorvui 1.1.2020 rájes.

Beavttálmahtton bálvalusássama ovttadat fállá birrajándor bálvalusássama muitobuohcci olbmuide. Lagašdikšára barggut leat eanaš boarrásiid vuođđodikšun sihke doaibmanávcca ja eallinhálddašeami bisuheapmi. Bargu lea guovttevuorubargu. Ovttadagas lea anus Efficia pasientadiehtovuogádat.

Lagašdivššáris gáibiduvvo dohkálašvuohta (bargui heivvolaš sosiála- ja dearvvasvuođasuorggi vuođđodutkkus, lagašdivššár dahje eará vástideaddji dutkkus) sosiálafuolahusa ámmátlaš bargoveaga gelbbolašvuođaeavttuid birra addon lága (272/2005) 8 §:a mielde. Sáme giela máhttu gehččojuvvo erenomáš ánsun.

Bálká- ja bargoeavttut mearrašuvvet GVBES:a mielde, barggu miel meroštallon bálká 2191,01€/mb. Ohcejoga gielda máksá sáme giela máhtus giellalasi bargiidasas: njálmmálaš máhtus 100 €/mb ja čálalaš ja njálmmálaš máhtus 150 €/mb. Doaimmas lea njealji mánotbaji geahččalanáigi. Doibmii válljejuvvon galgá ovdanbuktit dohkkehahtti doaktárduođaštusa ovdal doaimma vuostávdidma. Dasa lassin válljejuvvon olbmos berre leat fámus boahkohansuodji njoammudávdalága (1227/2016) 48§:a mielde.

Válmmaštalli: rabasbálvalusa jodiheadji Taina Jylhä

Válmmaštalli evttohus: Vuođđodorvolávdegoddi vuođđuda guokte lagašdikšára doaimma beavttálmahtton bálvalusássanovttadat Dorvui. Doaimma vuođđudeami maŋŋá ohccojuvvo deavdinlohpi gielddahoavddas.

**Evttohus:**

Vuođđodorvolávdegoddi dohkkeha válmmaštalli evttohusa.

**Mearrádus:**

---

Vuodđodorvolávdegoddi

27.01.2020

---

8

Buohccedikšára doaimma vuodđudeapmi, searjgaossodat

76/01.01.00/2017

Vudolg

Ohcejoga searjgaossodaga bargovehkii dárbbasuvvo okta ođđa buohccedikšár. Buohccedikšára doaimma lasiheapmi searjgaossodahkii láhčá vuodu buori ja buohcciid/áššehasaid bálvleaddji doibmii. Searjgaossodagas lágiduvvo Ohcejoga gieldda gáiddusgoziheapmi. Jagi 2020 bušehtii lea várrejuvvon mearreruhta ođđa buohccedikšára bálkáheapmái.

Vuodđuduvvo buohccedikšára doaimma 1.1.2020 rájes. Doaimma váldosajuštanbáiki lea Ohcejoga dearvasvuodaguovddáža searjgaossodat.

Buohccedikšára doaimma gelbbolašvuodagáibádussan lea buohccedikšára dutkkus sihke dearvasvuodafuolahusa ámmátolbmuid birra addon lágas (559/94) meroštallon lágalažžan dahkan dahje dan vástideaddji registreren. Sámegeala máhttu gehččojuvvo erenomáš ánsun.

Buohccedikšára bargguide gullá áššehasaid dikšun dearvasvuodaguovddáža searjgaossodagas, gos leat 11 báikki. Searjgaossodat dikšu maiddái buohccedivššu gáiddusgoziheami virgeáiggi olggobealde. Ohcejoga dearvasvuodaguovddáži lea anus Tieto LifeCare –buohcančilgehusvuogádat. Bargu lea mánggabealat dikšunbargu smávva bargoservošis ja birra leat fiinna duottaroidnosat.

Bálká- ja bargoeavttut mearrašuvvet GVBES:a mielde, bargui guoski vuodđobálká 2493,49 €/mb. Ohcejoga gielda máksá sámegeala máhtus giellalasi bargiidasas: njálmmálaš máhtus 100 €/mb ja čálalaš ja njálmmálaš máhtus 150 €/mb. Doaimmas lea njealji mánotbaji geahččalanáigi.

Doibmii válljejuvvon galgá ovdanbuktit dohkkehahti doaktárduodastusa dearvasvuodadilistis ovdal doaimma vuostáváldima. Lassin válljejuvvon olbmossat berre leat fámus boahkohansuodji njoammudávdalága (1227/2016) 48§:a mielde.

Válmmaštalli: dikšunbarggu hoavda Päivi Kontio

Válmmaštalli evttohus: Vuodđodorvolávdegoddi vuodđuda buohccedikšára doaimma Ohcejoga searjgaossodahkii. Doaimma vuodđudeami maŋŋá ohccojuvvon deavdinlohpi gielddahoavddas.

**Evttohus:**

Vuodđodorvolávdegoddi dohkkeha válmmaštalli evttohusa.

---

**Mearrádus:**

Vuodđodorvolávdegoddi

27.01.2020

---

9

Divššodanbargi doaimma vuodđudeapmi, Gáregasnjárgga guovlu

76/01.01.00/2017

Vudolg

Sámediggi lea juolludan stáhtadoarjaga Ohcejoga gildii sámegiela divššodanbargi bálkáheapmái Gáregasnjárgga guvlui. Stáhtadoarjaga mearri lea 28.598,18 € ja gieldda iežas ruhtadanoassi lea 9.532,73€. Bušehtas 2020 lea váldon vuhtii ođđa divššodanbargi bálkáheapmi ja váldostivra lea dohkkehan bušehta.

Vuodđuduvvo divššodanbargi doaimma Gáregasnjárgga guvlui 1.1.2020 rájes.

Ruokto- ja doarjjabálvalusaid ulbmilin lea dahkat vejolažžan ahkeolbmuid ássama ruovttus nu guhká go vejolaš dorvvastemiin jeavddalaš ja jotkkolaš bálvalusaid addima ruoktot.

Divššodanbargi váldobargun lea veahkehit beaivválaš doaimmain sihke doarjut doaimmanávcca ja eallinhálddašeami bisuheami. Bargguide gullet earet eará ruovttudikšunbarggut, málesteapmi, čorgen, olgun finaheapmi, duodjebargguin veahkeheapmi, ovtastallan ja muittašanbargu. Bargu dahkkojuvvo veajuiduhtti bargovugiin nu ahte áššehas beassá oasálažžan árgabeaivve áššiid dikšumii ja eallimii. Áššehasaide dahkkojuvvojit dikšun- ja bálvalusplánat, main váldojuvvojit vuhtii áššehasa iežas sávaldagat ja siskkáldas resurssat. Doaimmain dorjot maiddá oapmahašdikšuid veaju nu ahte addojuvvojit sidjiide vejolašvuodát friijabottuide. Divššodanbargi oassálastá maiddá Nabotreffiid plánemii ja ordnemii.

Bargan dáhpáhuvvá vuosttažettiin Gáregasnjárgga doaimmaguovllus. Bargu lea guovttevuorubargu. Iežas biila ja vuodjenkoarta leat vealtameahtumat. Ovtadagas lea anus Efficá pasientadiehtovuogádat.

Divššodanbargis vurdojuvvo leat dohkálašvuhta (bargui heivvolaš sosiála- ja dearvasvuodasuorggi vuodđodutkkus, lagašdikšár dahje eará vástideaddji dutkkus) ja bargohárjánupmi sosiálafuolahusa ámmátlaš bargoveaga gelbolašvuodaeavttuid birra addon lága (272/2005) 8 §:a mielde. Ohccis gáibiduvvo davvisámegiela máhttu. Barggut eaktudit iežas biilla geavaheami.

Bálká- ja bargoeavttut mearrašuvvet GVBES:a mielde, dán bargui guoski bálká mearrašuvvá skuvlejumi mielde. Ohcejoga gielda máksá sámegiela máhtus giellalasi bargiidasas: njálmmálaš máhtus 100 €/mb ja čálalaš ja njálmmálaš máhtus 150 €/mb. Doaimmas lea njealji mánotbaji geahččalanáigi. Doibmii válljejuvvon galgá ovdanbuktit dohkkehahtti doaktárduođaštusa dearvasvuodadilistis.

---

Lassin válljejuvvon bargis galgá leat fámus boahkohansuodji njoammudávdalága (1227/2016) 48§:a mielde.

Válmmaštalli: rabasbálvalusa jođiheaddji Taina Jylhä

Válmmaštalli evttohus: Vuodđodorvolávdegoddi vuodđuda divššodanbargi doaimma Gáregasnjárgga doaimmaguvlui. Doaimma vuodđudeami maŋŋá ohccojuvvo deavdinlohpi gielddahoavddas.

**Evttohus:**

Vuodđodorvolávdegoddi dohkkeha válmmaštalli evttohusa.

**Mearrádus:**

---

Vuodđodorvolávdegoddi

27.01.2020

---

10

Čuovvovaš čoahkkima áigemearri

28/00.02.03/2012

Vudolg

Hálddahasnuolggadusa 129 §:a mielde doaibmaorgána mearrida čoahkkimiiddis áiggi ja báikki.

**Evttohus:**

Vuodđodorvolávdegotti čuovvovaš čoahkkin dollojuvvo 27.2.2020 dmu 10- váldostivrasáles. Jagi 2020 loahppajagi čoahkkináiggit mearriduvvojit vuodđodorvolávdegotti čuovvovaš čoahkkimis.

**Mearrádus:**

Vuodđodorvolávdegoddi

27.01.2020

---

11

Áššit diehtun

Vudolg

Guovlluhálddahušvirgedoaimmahat

- Mearrádus 11.12.2019: Ohcejoga njálmmi

dearvvasvuodáfuolahusa mánáide ja nuoraide guoski, lágas

mearriduvvon, njálmmi dearvvasvuodádarkkistusaid bearráigeahčču

Ealáhatlihtu (Eläkeliitto) Lappi biire

- Reive gielddaide, Ealáhatlihtu Lapin piiri ry bealiváldin boarrásiid boahhtevuodá oidnosiin.

Kolpene doarjja- ja máhttinguovddáš (Kolpeneen tuki- ja osaamiskeskus)

- Bálvalusat ja hattit j. 2020

Gielddaid guovddášlihttu (Kuntaliitto)

- Oktasašreive 14/2019: Mánáidsuodjalusa geažil sajáidahtton oahppi buhtadus jagis 2019

KT Kuntatyönantajat

- Mátkegoluid buhtadusat 1.1.2020 rájes

Sámediggi

- Soahpamuš sámegiela sosiála- ja dearvvasvuodábálvalusaid

dovrvasteami várás čujuhuvvon stáhtadoarjaga geavaheamis j. 2020

Sosiála- ja dearvvasvuodáministeriija

- Kuntainfo 8/2019: Áigáiboahhtindoarjaga vuodđooassi 2020

- Kuntainfo 9/2019: Ealihancheahkiid ja ealihandoarjagiid mearit badjánit 1.1.2020

THL Dearvvasvuodá ja Buresveadjima lágádus

- Statistihkaraporta: Mánáidsuodjalusa gieđahallanáiggit 1.4.-30.9.2019

Valvira

- Mearrádus priváhta dearvvasvuodáfuolahusa bálvalusaid addimii guoski lobi rievdadeamis: Pihlajalinna Terveys Oy

Váldostivra

- Ohcejoga gieldda bušeahtta 2020 ja ekonomiiaplána jagiide 2021-2022

- Mearreruhtanuppástusat ja lassemearruhta, bušeahtta 2019 (vuodđodorvolávdegoddi)

**Evttohus:**



Vuođđodorvolávdegoddi merke ahte lea ožžon diehtun  
válmmaštallama mielásaš áššegirjjiid / áššiid.

**Mearrádus:**